

البولس

فليمون

الشركة = ليس حر ولا عبد

إحنا عائلة واحدة في إيماننا بربنا يسوع ... كلنا عبيد ليه و كلنا محتاجين غفرانه ... و بالتالي لازم كلنا نعامل بعض كإخوة بروح الشركة و نسامح بعض ... عشان نعرف نصلي: إغفر لنا ذنوبنا كما نغفر نحن أيضاً للمذنبين إلينا


طبعاً الملخص ده لا يغني أبداً عن القراءة الشخصية للكتاب المقدس و التأمل العميق في كلامه
ده مجرد ملخص بسيط, مش درس كتاب ☺



i عن السفر

WHY SHOULD PHILEMON DO THIS?

IF YOU ARE TRULY A **PARTNER** (GRK: KOINONIA) WITH ME, THEN WELCOME ONESIMUS AS IF HE WERE ME. IF HE'S WRONGED YOU OR OWES YOU ANYTHING, CHARGE IT TO ME--I WILL REPAY IT. (vv17-19)



عدد الإصحاحات: 1 (أقصر رسائل القديس بولس)

ظروف الكتابة: اكتب أثناء سجن القديس بولس في روما ?

📌 السفر موجّه لمين؟ القديس فليمون اللي كان مواطن روماني من كولوسي

🔑 مفاتيح فهم السفر:

- القديس فليمون آمن على يد القديس بولس أثناء كرازته في أفسس
- بعد كده لما القديس أبفراس بدأ كنيسة كولوسي، راح معاه القديس فليمون و بقى من قادة الكنيسة هناك
- و زي معظم أغنياء روما زمان، فليمون كان عنده عبيد .. منهم واحد اسمه أنسيموس
- غالباً أنسيموس غش فليمون أو سرقه و بعد كده هرب
- و راح أنسيموس على بولس في السجن (غالباً يطلب مساعدته)
- آمن أنسيموس على يد القديس بولس و بقى بيساعده في خدمته

✅ هدف السفر:

- بيطلب القديس بولس من فليمون مش بس إنه يسامح أنسيموس بل إنه يقبله كأخوه في الإيمان مش كعبد

💡 ملاحظات

- السفر مش بيذكر فيه قيامة ربنا يسوع أو صليبه علنية (و دي الرسالة الوحيدة للقديس بولس اللي فيها كده) لأنه فيه الصليب بالأفعال (القديس بولس كوسيط بين فليمون و أنسيموس و بينهم و بين ربنا)
- كلمة أنسيموس معناها (نافع)
- أنسيموس لما راح بالرسالة دي لفليمون، فليمون سامحه و قبله بفرح كأخ فعلاً
- بعدها رجع أنسيموس لروما و بعد استشهاد القديس بولس، بقى أسقف بيرية ... و الكنيسة بتحتفل بعيد نيافته يوم 21 أمشير
- أما القديس فليمون و عائلته (أبفية زوجته و أرخبس ابنهما) فقد استشهدوا على يد الوثنيين، بعد ما خدموا في كولوسي و كان فليمون أسقف كولوسي ... و الكنيسة بتحتفل بعيد استشهادهم يوم 25 أمشير

☰ ترتيب السفر

رسالة الشركة و الغفران

آية 1 ل 7

صلاة افتتاحية



مدح مستحق لفليمون يمهّد طلب القديس بولس

آية 8 ل 20

طلب القديس بولس

طلب القديس بولس بقبول أنسيموس و شفاعنه شخصياً فيه

آية 21 ل 25

تحية ختامية

بيؤكد القديس بولس ثقته في طاعة فليمون لطلبه

ملخص السفر

1: صلاة افتتاحية



بيبدأ بسلام لفليمون و عائلته ... و صلاة شكر على محبة فليمون و إيمانه اللي هو مشهور بيهم،
و بيمهد له طلبه بالكلام عن شركة الإيمان بين كل المؤمنين

لكي تكون شركة إيمانك فعّالة في معرفة كل الصلاح الذي فيكم لأجل المسيح يسوع

فليمون 1 : 6

الإيمان لازم يكون معاه أعمال تؤكده ... أعمال شركة = أعمال محبة = أعمال صلاح
و كل من يؤمن بربنا يسوع هو جوة هذه الشركة ... الكل متساوي

نتعلم إيه؟

لو هاتطلب طلب صعب أو غير متوقع من حد، من الحكمة إنك تنبّه لصفات كويسة فيه و
حقايق تمهد لطلبك

🙏 يا رب إديني حكمة إنني أكسب الشخص (بدون رياء) عشان أوصله لما يرضيك

2: طلب القديس بولس

vv8-20 PAUL'S REQUEST

v10 ONESIMUS HAS BECOME PAUL'S 'CHILD'

THIS CONFLICT MUST BE RESOLVED.

THE BOLD REQUEST:

vv15-16 "RECEIVE ONESIMUS BACK, NO LONGER AS A SLAVE, BUT AS A BELOVED BROTHER IN THE LORD."

UNHEARD OF!!!

1 RECONCILIATION:

"GOD WAS RECONCILING THE WORLD IN THE MESSIAH TO HIMSELF" NOT COUNTING PEOPLE'S SINS AGAINST THEM. (2 CORINTHIANS 5:19)

2 KOINONIA:

THEY ARE EQUAL BEFORE GOD, SHARING IN THE SAME NEED FOR FORGIVENESS.

SLAVE OR FREE, BUT THE MESSIAH IS ALL & IS IN ALL. (COLOSSIANS 3:11)

BROTHERS IN THE MESSIAH

WHY SHOULD PHILEMON DO THIS?

IF YOU ARE TRULY A **PARTNER** (GRK: KOINONIA) WITH ME, THEN WELCOME ONESIMUS AS IF HE WERE ME. IF HE'S WRONGED YOU OR OWES YOU ANYTHING, CHARGE IT TO ME--I WILL REPAY IT. (vv17-19)

- آية 10 ل 15 يقول فيها القديس بولس إن أنسيمس بقى ابنه في الإيمان و بيخدمه ... بقوا عائلة واحدة في المسيح ... و رغم إنه عايز أنسيمس يفضل معاه إلا أنه لازم الخلاف بين أنسيمس و فليمون يتكل لمصلحة ال 2

- آية 16 يطلب القديس بولس من فليمون يقبل أنسيمس كأخ مش كعبد

- آية 17 ل 19 شفاعاة عظيمة من القديس بولس من أجل أنسيمس، يقول لفليمون اقبله كأنه أنا

لا كَعْبِد في ما بعد بل أفضل من عبد: أنا محبوباً و لا سيّما إليّ فكم بالحرّي إليك
في الجسد و الرب جميعاً

الآية دي قوية جداً ... عشان نفهمها، لازم نعرف إن القانون الروماني كان بيدّي السادة سلطة كاملة على عبيدهم ... يعني فليمون من حقه يجلد و يحبس أنسيموس زي ما هو عايز

القديس بولس مش بس بيقول له يسامحه، ده بيقول له اقبله كأنه أخوك مش عبد ليك

دي حاجة طبعاً غريبة جداً على أغنياء روما و مش مقبولة في مجتمعهم

فإن كُنت تحسبني شريكاً فاقبله نظيري. ثم إن كان قد ظلمك بشيء أو لك عليه دين فاحسب ذلك عليّ

فليمون 1 : 17 و 18

ما أعظمك أيها القديس بولس ... بيعمل زي السيد المسيح اللي حمل خطايانا عشان يصلحنا لنفسه ... بيقول لفليمون إن الغلط اللي عمله أنسيموس و الدين اللي عليه أنا اللي مستعد أوقّيه، احسبه عليّ أنا ... بكده القديس بولس وسيط بيصالح بين فليمون و أنسيموس

كمان نتعلّم يعني إيه الشركة في المسيحية ... بولس = فليمون = أنسيموس قدام ربنا، ال 3 ولاده المؤمنين به و محتاجين غفرانه ... إخوات في المسيح و محتاجين غفرانه على الصليب ... و بالتالي كلنا عبيده (هافيش سيد و عبد) و لازم نغفر لبعض (و نتعلم من مثل العبد الذي لم يغفر)

نتعلّم إيه؟

ماينفعش تبقى عارف إن 2 مؤمنين بربنا يسوع و بينهم خلاف كبير ممكن تحلّه و تسكت عشان خايف تخسر حد فيهم ... لازم بحكمة و بمعونة ربنا تتدخل لحل هذا الخلاف الشديد

يا رب خلّيني وسيط للخير و المغفرة بين ولادك ... عشان الشيطان مايزرعش خلافات بيننا ممكن تضيّع منّا السما

3: تحية ختامية



في الختام يقول القديس بولس لفليمون إنه واثق في إيمانه و طاعته و إنه هايعمل حتى أكثر من اللي طلبه منه

إذ أنا واثق بإطاعتك كتبت إليك عالماً أنك تفعل أيضاً أكثر مما أقول

فليمون 1 : 21

جميلة دالة المعلم و الأب على أولاده

نتعلم إيه؟

زي ما التمهيد للطلب محتاج حكمة, ختام الطلب كمان محتاج حكمة ... إنك بمحبة تضع
ثقتك في اللي قدامك إنه كويس و إنه مش هايخذلك بل هايعمل أكثر كمان ما انت عايز
🙏 يا رب إديني حكمة إني أشجّع ولادك على التعلم من صفاتك الحلوّة عشان كلنا نتعلم
منها و نخطها هدف لنفسنا نمشي عليه



المراجع 📖

- موقع The Bible Project
- موقع القديس ت كلاهيمانوت